

15.11.2012

## **Láhka**

### **gielđajuohkolága nuppástuhttimis**

Riikkabeivviid mearrádusa mielde

nuppástuhtto gielđajuohkolága (1698/2009) namahus, 2 §, 4 § 1 ja 4 momenta, 8 § 1 momenta 8 ja 9 čuokkis, 11 § 1 momenta, 18 § 1 momenta, 29 § 2 momenta, 41 §, 42 §, 43 § ja 44 §, 53 § 2 momenta, 59 § ja 60 § 2 ja 3 momenta, sihke

lasihuvvo láhkii gaskaboddosaččat 1 a lohku, 8 § 1 momentii 10 ja 11 čuokkis sihke odđa 2 momenta, 15 §:i 3 momenta, 16 a §, 18 §:i 3 momenta ja 41 a §, čuovvovaččat:

#### **Gieldaráhkadusláhka**

##### 2 § Gielđajuogu ovddideami ulbmilat

Gielđajuogu ovddideami ulbmilin lea eallinfámolaš, guovllulaččat čavddes ja servodatráhkadusa beales doaibmevaš gieldaráhkadus, mii nanne gieldda ássiid iešráđdema eavttuid. Ulbmilin lea maiddá, ahte gielđa čohkiida barggusfitnanguovllus dahje eará doaibmanoppalašvuodas, mas leat ekonomalaš ja bargoveahkaresursii vuodđudeaddji eavttut fuolahit gieldda ássiid bálvalusaid ordnemis, ruhtadeamis ja iežas bálvalusbuvttadeamis, mii lea doarvái.

##### 4 § Gielđajuogu nuppástuhttima eavttut

Gielđajuogu sáhtá nuppástuhttit, juos nuppástus ovddida 2 §:s máinnašuvvon gielđajuogu ovddideami ulbmiliid sihke buorida

- 1) gieldda doaibman- ja ekonomalaš eavttuid fuolahit bálvalusaid lágideamis ja buvttadeamis dahje muđui ovddidit gieldda doaibmannávcca;
- 2) guovllu ássiid bálvalusaid dahje eallindiliid;
- 3) guovllu ealáhusaid doaibmanvejolašvuodaid; dahje
- 4) guovllu servodatráhkadusa doaibmevašvuoda.

-----

Gielđajuogu rievdadettiin galgá figgat oktiisoahpavaš guovlluide, gos sihkkarastojit suoma- ja ruotagielat olbmuid vuoigatvuodát oažžut bálvalusaid iežaset gielain seammálágan vuodustusaid mielde. Gielđajuogu rievdadettiin galgá vuhtii váldit sámiid gielalaš vuoigatvuodaid sihke sápmelaččaid vuoigatvuoda eamiálbmogin doalahit ja ovddidit iežaset giela ja kultuvrra sihke sápmelaččaid giela ja kultuvrra guoskevaš iešráđdema sámiid ruovttuguovllus.

## 1 a lohku Gieldaráhkadusodastusa ollašuhttin

### 4 a § Gieldaráhkadusodastusa ulbmil

Dán logus ásahuvvo gieldaráhkadusa ođasmahttima vuodustusain ja meannudemiin jagiin 2013 - 2016. Gieldaráhkadusodastusa ollašuhttimii gulavaš ekonomalaš doarjagis gielddaide ásahuvvo 9 logus.

Gieldaráhkadusodastusa dárkkuhussan lea sihkkarastit gieldda alladássásaš ja ovtaveardásaš bálvalusaid áššehasa dárbbuid vuodul olles riikkas, nannet gielddaid eavttuid lágidit ja fállat ovddalgihtii eastadeaddji bálvalanoppalašvuodaid, láchit eavttuid gielddaid ekonomijja nannejeaddji ovddidandoibmii ja servodatráhkadusa čavdudeapmái sihke nannet gieldda iešráđđema ja báikkálaš demokratiija.

Ulbmilin lea nana vuodđogielddaide vuodđudeaddji eallinfámolaš gieldaráhkadus. Ulbmilin lea, ahte gielddat basttásedje viidát ja váldoosiin ieža fuolahit vuodđobálvalusaid lágideamis ja buvttadeamis sihke boaduslaš ovddidanbarggus. Ulbmilin lea lassin nannet gielddaid návcca hálldašit márkaniid, go bálvalusaid buvttadanvuogit šaddet mánggabealagin, ja vástidit gáibádusaide ássiid välljenluomusvuoda lasiheamis.

Nana vuodđogielddat čohkiidit lunddolaš barggusfitnanguovlluin, bastet láchit eavttuid ekonomijjašaddamii ja barggolašvuhtii sihke bastet beaktilit fuolahit servodatráhkadusa ovddideamis ja eastit servodatráhkadusa biđggiideami. Ulbmilin lea lassin ovddidit gielddaekonomijja dáfus stáđđásut gielddaid šaddama.

### 4 b § Čielggadangeatnegasvuoha

Gielda galgá ovttas guovllu eará gielddaiguin čielggadit 4 §:s ásahuvvon gieldajuogu nuppástuhttima eavttuid deavdi gielddaid ovtastuvvama 4 c- 4 e § čielggadanvuodustusaid mielde.

Vaikke gielddas ii livčče 1 momeantta mielde geatnegasvuoha čielggadit gielddaid ovtastuvvama, dat galgá oassálastit ovtastuvvančielggadeapmái juos guovllus ii mudui leat juksamis 2 §:s dárkkuhuvvon doaibmanoppalašvuoha.

Juos čielggadanguovlluid olggobeallái lea báhcimin gielda, mii ráhkadivčče doaibmanoppalašvuoda gielddain mii lea bálddas, galget dát gielddat čielggadit ovttas gielddaid ovtastuvvama.

Ovtastuvvančielggadeami ulbmilin lea 6 §:s dárkkuhuvvon evttohus gielddaid ovtastuvvamis ja dasa gulavaš 8 §:s dárkkuhuvvon ovtastuvvansoahpamuš. Čielggadeapmi galgá álot sisttisoallat uhcimustá plána hálldahusa ja bálvalusaid lágideamis sihke bálvalusaid buvttadeamis čielggadanguovllus, čilgehusa ovtastuvvama váikkuhusain gielddaid ovttasdoibmii, čilgehusa ekonomalaš dilis, árvoštallama ássiid oassálastin- ja váikkuhanvejolašvuodaid sihke lagašdemokratiija ollašuvvamis sihke dárkilis árvoštallama gielddaid ovtastuvvama ovdduin ja hehttehusain. Eará go ovttagielat gielddaid sihke sámiid ruovttuguvlui gulavaš gielddaid guoski čielggadeamis galgá árvoštallat gielalaš voigatvuodaid ollašuvvama.

### 4 c § Bálvalusaid eaktudan veahkatvuoddu

Gielda, gos lea vuollái 20 000 ássi, galgá ovttas guovllu eará gielddaiguin čielggadit ovtastuvvama guovllus, gos lea

- 1) bálvalusaid lágideami, ruhtadeami ja ovddideami dáfus doarvái veahkatvuoddu sihke nácca doarvái iežas bálvalanbuvttadeapmái;
- 2) erenomážit sosiála- ja dearvvasvuohtafuolahusa iežas bálvalanbuvttadeami, vuollegaš šielmmá bálvalusaid ja lagašbálvalusaid dáfus uhcimustá sullii 20 000 ássi; sihke
- 3) vuodđooahpahusa alladássásaš ja ovtaveardásaš ordnema dáfus vuollái ovtaahkásaš ahkeluohká sturrodat uhcimustá sullii 50 (bálvalanvuodustus).

#### 4 d § Bargosadjeiešbirgejummi, barggusfitnan ja servodatráhkadus

Gielda galgá čielggadit gielddaid ovtastuvvama, juos dat deavdá čuovvovaš molssaevttolaš čilgehusvuodustusain válljejuvvon vuodustusa:

- 1) gieldda barggusjohtti veahkadaga ja gieldda bargosajiid gaskavuohta lea vuollái 80 proseantta (*bargosadjeiešbirgejummi*vuodustus); dahje
- 2) gieldda barggusjohtti veahkedagas Tampere, Turku, Oulu, Lahti, Jyväskylä ja Kuopio barggusjohtinguovllus leahkki gielddas uhcimustá 35 proseantta ja eará barggusjohtinguovlluin leahkki gielddain uhcimustá 25 prosentta fitná barggus barggusfitnanguovllu guovddášgieldda viidodagas (*barggusfitnan*vuodustus).

Gielddas lea goittotge čielggadangeatnegasvuohta, juos gieldda dahje dasa rádjášuvvan gieldda oktilaš guovddáščoahkkebáiki ollá gieldda rájá badjel dahje guovddáščoahkkebáikái gulavaš lagaščoahkkebáiki ollá gieldda rájá badjel, dahje nuppi gieldda guovddáščoahkkebáikki šaddandeaddu čuohcá mearkkašahhtiláhkai gieldda viidodagas leahkki lagaščoahkkebáikái (*servodatráhkadus*vuodustus).

Barggusfitnanvuodustusa dahje servodatráhkadusvuodstusa vuodul oktilaš guovllu ráhkadeaddji gielddat galget čielggadit gielddaid ovtastuvvama ovttas.

Helssega metropolguovllu gielddat galget 1 - 3 momeanttas áhahuvvon áššiid sajis čielggadit ovtastuvvama guovlluin, gos lea mearkkašahhti servodatráhkadusa čavdudandárbu oktasaš guovddáščoahkkebáikki ja dan šaddandeattu dihtii ja mat ráhkadit doaimanoppalašvuođa sihke leat vuodustallon guovllu oppalašvuođa dáfus. Helssega metropolguovllu gielddaide ii heivehuvvo 4 f § čielggadanguovllus spiehkaseamis. Helssega metropolguovllu gielddat galget oassálastit ovtastuvvančielggademiide guovllu olggobeale gielddaiguin, juos dat lea dárbbášlaš doaimanoppalašvuođa ráhkadeami dihtii guovllu gielddajuohkočielggadanguovlluid ja metropolhálldahusa goskevaš čielggadeami vuodul. Metropolguovllus gielddaráhkadus ja metropolhálldahus laktásit nuppiideaset.

#### 4 e § Gieldda ekonomalaš dilli

Gielda galgá čielggadit gielddaid ovtastuvvama, juos gieldda ruhtadeami doarvái vuoda dahje jábálaš vuoda govvideaddji ekonomijja dovddaldatlogut devdet uhcimustá ovtta čuovvovaš eavttuin (*ekonomijjavuodustus*):

- 1) gieldda manjimuš dohkkehan ruhtadoalloloahpaheamis ja dan ovdal leamašan ruhtadoalloloahpaheamis mannet vuoli gieldda vuodđobálvalusaid stáhtaossodagas addojuvvon lága (1704/2009) 63 a § dárkkuhan rádjeárvvut mat leat erenomáš váttis ekonomalaš sajádagas leahkki gieldda árvoštallanmeannudeami eaktun;
- 2) gieldda manjimuš dohkkehan ja guovtte dan ovdal leamašan ruhtadoalloloahpaheamis gieldda vuodđobálvalusaid stáhtaossodagas addojuvvon lága 63 a § dárkkuhan guđa rádjeárvvus ollašuvvet njeallje árvvu, mat leat erenomáš váttis ekonomalaš sajádagas leahkki gieldda árvoštallanmeannudeami eaktun; dahje
- 3) gieldda manjimuš dohkkehan ruhtadoalloloahpaheamis balánssa čoggon vuollebáza ássi ektui lea uhcimustá 500 euro ja guovtte dan ovdal leamašan ruhtadoalloloahpaheami balánssas lea čoggon vuollebáza.

#### 4 f § Čielggadanguovllus spiehkaseapmi

Ovdalis 4 c - 4 d §:s dárkkuhuvvon čielggadanvuodustusaid oaivvildan čielggadanguovllus sáhtá spiehkcasit, juos gielddas leat eavttut vástidit bálvalusaid lágideamis ja buvttadeamis iige spiehkcaseapmi eastte doaibmanoppalašvuodaid ráhkadeami guovllus, čuovvovaš vuodustusaiguin:

- 1) čielggadanvuodustusain spiehkcaseaddji viidodat lea 2 §:s ásahuvvon gielddajuogu ovddideami ulbmilat ja 4 §:s ásahuvvon gielddajuogu nuppástuhttima eavttuid deavdi molssaevttolaš doaibmanoppalašvuota;
- 2) doaibmanoppalašvuoda ráhkadeapmi ii erenomáš hárvvet ássama dihtii muđui leat vejolaš;
- 3) spiehkcaseapmi lea dárbbášlaš suoma- dahje ruotagielat ássiid gielalaš vuoigatvuodaid sihkkarastima dihtii; dahje
- 4) spiehkcaseapmi lea dárbbášlaš sápmelaččaid giela ja kultuvrra guoski vuoigatvuodaid sihkkarastima dihtii.

#### 4 g § Čielggademiid mearreáigi ja čuovvun

Gielddat galget bargat 4 b §:s dárkkuhuvvon ovtastuvvančielggadeami ja dasa vuoddeaddji vejolaš ovtastuvvanevttohusa cuoŋománu 1 beaivve 2014 rádjai.

Gielda galgá almmuhit ministerijai skábmamánu 30 beaivve 2013 rádjai, mainna gielddain dahje gielddaiguin dat čielggada 4 b §:s dárkkuhuvvon gielddaid ovtastuvvama.

Ovdalis 2 momeanttas dárkkuhuvvon almmuhusa sisdoalus sáhtá ásahit dárkilabbot ruhtaministeriija ásahusain.

#### 4 h § Mearrádusbargan čielggadanguovllus spiehkcaseamis

Ministeriija mearrádusa čielggadanguovllus spiehkcaseamis sáhtá bargat gieldda dahje gielddaid oktasaš ohcamuša vuodul dahje ministeriija álgagis. Mearrádusa sáhtá bargat ministeriija álgagis dušše, juos gielddaid ohcamušat spiehkcasit nuppiin, dahje oassi guovllu gielddain lea ohcan spiehkcaseami ja bálvalanvuodustusa deavdi čielggadanguovllu ráhkadeapmi eaktudivčče maiddái dakkár gieldda fárus orruma, mii ii leat ohcan spiehkcaseami.

Ministeriija sáhtá miedihit spiehkcaseami 4 c §:s dárkkuhuvvon bálvalanvuodustusas 4 f §:s dárkkuhuvvon vuodustusaiguin.

Juos gielda ohcá spiehkcaseami 4 d § 3 momeanttas dárkkuhuvvon čielggadanguovllus, ministeriija sáhtá mearridit ahte guovllus doaimmahuvvo 4 logus dárkkuhuvvon sierranas gielddajuohkočielggadeapmi. Erenomáš gielddajuohkočielggadeamis sáhtá čielggadit molssaevttolaš doaibmanoppalašvuodaid.

Ministeriija galgá ovdal 2 momeanttas dárkkuhuvvon mearrádusa bargama ráđđádallat daid gielddaiguin, maid mearrádus guoskkašii.

Ovdalis 2 momeanttas dárkkuhuvvon ministeriija mearrádusas sáhtá oheat nuppástusa nugo hálddahaslágageavahanlágas ásahuvvo. Mearrádusa sáhtá ollašuttit, ovdalgo dat lea ožžon lágafámu. Ollašuhhtimii ii goittotge oaččo álgit, juos alimus hálddahasriekti gielddá ollašuhhtima.

#### 4 i § Erenomáš gielddajuohkočielggadeami mearrideapmi

Ministeriija sáhtá, dan lassin mii 4 h § 3 momeanttas ja 4 logus ásahuvvo, dárbbášettiin mearridit erenomáš gielddajuohkočielggadeami doaimmaheamis 4 §:s ásahuvvon eavttuid deavdi guovllus, juos gielda ii leat cuoŋománu 1 beaivve 2014 rádjai bargan dán lága 6 §:s dárkkuhuvvon gielddaid ovtastuvvanevttohusa.

#### 4 J § Bargoveaga sajádat odastusas

Ovdalis 4 b §:s dárkkuhuvvon ovtastuvvančielggadeami válmmaštallan ollašuhtho ovttasdoaimmas gielddaid bargoveaga ovddasteaddjiiguin.

Bargoveaga oassálastimis gieldajuogu nuppástusa guoski evttohusa válmmaštallamii ásahuvvo 7 ja 12 §:s. Bargoveaga sajádagas gieldajuogu nuppástusas ásahuvvo 29 §:s.

#### 8 § Ovtastuvvansoahpamuš

Gielddat barget gielddaid ovtastuvvamis ovtastuvvansoahpamuša, mas galgá soahpat ainjuo:

-----

8) ovtastuvvi gielddaid bálvalanvuogádagaid oktiiheiveheami ja lagašbálvalusaid lágideami prinsihpain;

9) odđa gieldda ruhtadoalu almmolaš prinsihpain;

10) ássiid váikkuhan- ja oassálastinvejolašvuodaid sihke lagašdemokratiija ollašuhthima vugiin odđa gielddas; sihke

11) prinsihpain, maid mielde 41 §:s dárkkuhuvvon ovtastuvvandoarjja geavahuvvo namuhuvvon paragráffa 5 momeanttas ásahuvvon dárkkuhussii.

Juos ovtastuvvan guoská eará go ovttagielat gielddaid, gielddat galget soahpat ovtastuvvansoahpamušas daid prinsihpain, maid mielde odđa gieldda bálvalusat ja hálddahus lágiduvvojit suoma- ja ruotagielat ássiid gielalaš vuoigatvuodaid sihkkarastima dihtii.

-----

Juos gielddaid ovtastuvadettiin odđa gildii áigojuvvo addot namma, mii ii leamašan ovdal gieldda namman, namas galgá ovdal ovtastuvvansoahpamuša dohkkeheami skáhppot Ruovttueatnan gielaid guovddáža cealkámuša. Cealkámuša galgá laktit ovtastuvvansoahpamuššii.

-----

#### 11 § Johtui bidjan

Evttohusa gieldda oasi sirdimis nuppi gildii sáhtta bargat nuppástusa čuožáhahkan leahkki gieldda váldostivra, gielddaid váldostivrrat ovttas, gieldda lahttu dahje ministeriija. Gieldda dahje gielddaid dahkan evttohusa galgá doaimmahit ministeriijai.

-----

#### 15 § Erenomáš gieldajuohkočielggadeami mearrideapmi

-----

Gieldda vuodđobálvalusaid stáhtaossodagas addojuvvon lága (1704/2009) 63 a §:s dárkkuhuvvon meannudeamis fárus leamaš gieldda, mii leamaš erenomáš váttis ekonomalaš sajádagas, mannelebbos erenomáš váttis ekonomalaš sajádagas leahkki gieldda, guoskevaš erenomáš gieldajuohkočielggadeapmi sáhtta biddjot álgui maddái máinnašuvvon paragráffa 2 momeanttas dárkkuhuvvon árvvoštallanjoavkku evttohusas.

16 a § Erenomáš váttis ekonomalaš sajádagas leahkki gieldda guoskevaš čielggadeapmi

Erenomáš váttis ekonomalaš sajádagas leahkki gieldda guoskevaš erenomáš gielddajuohkočielggadeamis gielddajuohkočielggadeaddji galgá bargat fárus leahkki gielddaid váldostivrraide evttohusa gielddaid ovtastuvvamis sihke gielddaid ovtastuvvansoahpamušas.

Gielddajuohkočielggadeaddji evttohus gielddaid ovtastuvvamis sáhtá guoskat

- 1) erenomáš váttis ekonomalaš sajádagas leahkki gieldda ovtastuvvama gildii, mii juo lea;
- 2) erenomáš váttis ekonomalaš sajádagas leahkki gieldda viidodaga juohkima guovtte dahje mángga gieldda gaskkas; dahje
- 3) eanet go guovtte gieldda ovtastuvvama.

Ovdalis 2 momeanttas namuhuvvon áššiid lassin čielggadeaddji evttohus sáhtá guoskat gieldda oasi sirdima nuppi gildii.

Juos buot nuppástusa čuožáhakan leahkki gielddaid váldostivrrat dohkkehit čielggadeaddji evttohusa, gielddat barget čielggadeaddji evttohusa mielde oktasaš evttohusa gielddajuogu nuppástuhttimis ministerijai. Muđui čielggadeaddji doaimmaha evttohusa gielddajuogu nuppástuhttimis ministerijai.

18 § Mearrádusbargama eavttut gielddaid ovtastuvadettiin

Stáhtaráđdi sáhtá mearridit gielddaid ovtastuvvamis ovtastuvvi gielddaid váldostivrraid oktasaš evttohusas. Gielddaid evttohusa gielddaid ovtastuvvamis sáhtá hilgut, juos gielddajuogu nuppástuhttin livčče čielgasit vuostá (eretváldon) 4 §:s ásahuvvon gielddajuogu nuppástuhttima eavttuid.

-----

Stáhtaráđdi sáhtá mearridit 16 a § dárkkuhan gielddajuohkočielggadeaddji evttohusas erenomáš váttis ekonomalaš sajádagas leahkki gieldda guoski gielddajuogu nuppástuhttima birra, fuolakeahhtá nuppástusa čuožáhakan leahkki gieldda dahje gielddaid váldostivrraid vuostálastima, juos nuppástus lea dárbbášlaš gieldda, mii lea erenomáš váttis ekonomalaš sajádagas, ássiid lánkaásaheamis eaktuduvvon bálvalusaid sihkkarastima dihtii ja 4 §:s ásahuvvon gielddajuogu nuppástuvvama eavttut ollašuvvet.

29 § Bargoveaga sajádat

-----

Jagiid 2014–2017 álggus fápmui boahtti gielddajuogu nuppástusain, main bargoveahka sirdása 3 §:s dárkkuhuvvon odđa dahje nuppi gieldda bálvalussii, bargoaddis ii leat vuoigatvuohta eretcealkit bálvalangaskavuoda bargosoahpamušlága (55/2001) 7 logu 3 §:s dahje gieldda virgehálldašeaddjis addojuvvon lága (304/2003) 37 §:s dárkkuhuvvon ekonomalaš dahje buvttadeami eretcealkinvuodustusain. Bargi ja virgehálldašeaddji sáhtá goittotge eretcealkit, juos son biehtala vuostáiváldimis bargoaddi sutnje fállan bargosoahpamušlága 7 logu 4 § dahje gieldda virgehálldašeaddjis addojuvvon lága 37 §:s dárkkuhuvvon odđa barggu dahje virggi. Dát gielddus guoská buot gielddajuogu nuppástusas fárus leahkki gielddaid ja lea fámus vihtta jagi gielddajuogu nuppástusa fápmuiboahtimis.

## 9 lohku Gielddaid ovtastuvvama ekonomalaš doarjja

### 41 § Ovtastuvvančielggadeami golut

Gildii sáhtta máksit doarjaga 4 c ja 4 d §:in dárkkuhuvvon vuodustusaid čujuhan, dahje 4 h § 2 momeanttas dárkkuhuvvon ministeriija mearrádusa vuodul dain spiehkkanan viidodagas ollašutton ovtastuvvančielggadeami goluide.

Gildii sáhtta máksit doarjaga odđa gieldda ekonomiiija ealáskahttinvuogiid čielggadeapmái, juos ovtastuvvančielggadeapmái oassálastá 4 e § dárkkuhan ekonomiijavuodustusa deavdi gieldda.

Ovdalis 1 ja 2 momeanttain dárkkuhuvvon doarjagiin mearrida ministeriija. Doarjagii heivehuvvo, mii stáhtadoarjjalágas (688/2001) ásahuvvo.

Ministeriija mearridan erenomáš gielddajuohkočielggadeami golut máksojuvvojit 16 § 6 momeantta mielde stáhta váriin.

### 41 a § Ovtastuvvandoarjja

Gielddaid ovtastuvadettiin boahttevaš odđa gildii máksojuvvo ovtastuvvandoarjja. Ovtastuvvandoarjaga oažžuma eaktun lea, ahte gielddaid ovtastuvvan guoská

- 1) 4 c ja 4 d §:s dárkkuhuvvon čielggadanguovllu guoski eavttuid deavdi viidodaga dahje uhcimustá guovllu, masa gullá 4 d §:s dárkkuhuvvon barggusjohtinguovllu guovddášgieldda;
- 2) 4 h §:s dárkkuhuvvon ministeriija mearrádusa dahje erenomáš gielddajuohkočielggadeami vuodul ovdalis máinnašuvvon eavttuin spiehkkanseaddji guovllu; dahje
- 3) ovtastuvvamis lea fárus 4 e § 1 čuoggá dárkkuhan erenomáš váttis ekonomalaš sajádagas leahkki gieldda.

Lassin eaktun lea, ahte gielddaid ovtastuvvan boahtá fápmui mañimustá jagi 2017 ja gielddat leat bargan 6 §:s dárkkuhuvvon ovtastuvvanevttohusa cuoŋománu 1 beaivve 2014 rádjai.

Ovtastuvvandoarjja čohkiida ovtastuvvi gielddaid lohku meari ja ássiidmeari mielde mearrašuvvan vuodđooasis ja lassioasis. Lassioassi máksojuvvo gielddaid ovtastuvvamis, mas leat fárus 4 e § dárkkuhan ekonomiijavuodustusa deavdi gieldda dahje gielddat.

Ovtastuvvandoarjja máksojuvvo golmma jage áigge. Doarjagis máksojuvvo 40 proseanta jagi, goas nuppástus boahtá fápmui, ja 30 proseantta goappat čuovvovaš guovtte jagi.

Ovtastuvvandoarjaga galgá geavahit gielddaid ovtastuvvama bákolaš goluide, odđa gieldda bálvalanvuogádaga ovddideapmái ja bálvalusaid buvttadeami buorideapmái dahje odđa gieldda ekonomiiija nannemii. Ovtastuvvandoarjaga mañimuš máksojagi čuovvovaš jagi loahpa rádjai gieldda galgá doaimmahit ministeriijai ruhtadoallo dárkkisteaddji cealkámuša sisdoalli čilgehusa ovtastuvvandoarjaga geavaheamis ovdalis namuhuvvon dárkkuhussii. Ovtastuvvandoarjaga ruovttoluotta bearramii heivehuvvo stáhtadoarjjaláhka.

Juos ovtastuvvandoarjaga máksobaji áigge gielddajuohku nuppástuhtto nu, ahte gielddat livčče vuogidahtton odđa doarjagii, doarjja rehkenasto dan mielde go maiddái mañimuš ollašutton gielddajuogu nuppástus livčče ollašuvvan máksobaji álggus. Máksinláhkai leahkki doarjaga ja odđasit rehkenaston doarjaga erohus máksojuvvo mañimuš ollašutton gielddajuogu nuppástusa fápmuibohtinjagi ja dan čuovvu guovtte jagi nugo 4 momeanttas ásahuvvo.

Ministeriija máksá ovtastuvvandoarjaga jahkásaččat guđege jagi geassemánu loahpa rádjai. Juos doarjaga oažžu eanet go okta gieldda, doarjja juhko gielddaid gaskkas guđege gildii sirdáseaddji ássiidmeari mielde. Guđege gieldda oassi rehkenasto euromearis, mii gildii livčče mákson ovtastuvvandoarjjan, juos heaittihuvvon gieldda livčče lakton obban áššáigulavaš gildii. Gieldda ássiidmearrin geavahuvvo veahkadatdiehtovuogádagas ja Álbmotregiststarguovddáža sihkkarastinbálvalusain addojuvvon lága (661/2009) 80 § 6 čuoggás dárkkuhuvvon gieldda ássiidmearri gielddajuogu nuppástusa fápmuiboahтинjagi ovdal leamaš jagi álggus.

#### 42 § Ovtastuvvandoarjaga vuoddooassi

Ovtastuvvandoarjaga vuoddooassi mearrašuvvá ovttastuvvamis fárus Leahkki gielddaid lohku meari ja ássiid meari vuodul čuovvovaččat:

Ássiidmearri Gielddaid lkm	vuollái 20 000	20 000 – 50 000	50 000 – 80 000	badjel 80 000
2	2 000 000	3 000 000	3 500 000	4 000 000
3 – 4	3 000 000	4 500 000	5 000 000	6 000 000
5 – 6	4 000 000	5 500 000	6 500 000	8 000 000
yli 6	5 000 000	7 000 000	8 000 000	10 000 000

#### 43 § Ovtastuvvandoarjaga lassioassi

Ovtastuvvandoarjaga lassioassi máksojuvvo gielddajuogu nuppástusas, mas leat fárus 4 e § dárkkuhan ekonomiijavuodustusa deavdi gieldda dahje gielddat. Lassioassi lea 150 euro namuhuvvon eavttu deavdi gieldda ássi ektui ja eanemustá miljovna euro ovtastuvvama ektui.

#### 44 § Stáhtaossodagaid geahppáneami buhtten

Juos jagiin 2014-2017 fápmui boahhti gielddaid ovtastuvvan geahpeda odđa gieldda stáhtaossodagaid go veardida ovtastuvvan gielddaid oktiirehkenaston stáhtaossodagaide, ministeriija miediha odđa gildii geahppáneami dihtii gielddaid ovtastuvvama fápmuiboahтинjagi ja dan čuovvu jagiin jagi 2019 loahpa rádjai stáhtaossodagaid geahppáneami buhtadusa. Buhtadusa oažžuma eaktun lea, ahte gielddat leat bargan 6 §:s dárkkuhuvvon ovtastuvvanevttohusa cuonomanu 1. beaivve 2014 rádjai.

Jahkásaš buhtadusa mearri ožžojuvvo go veardiduvvo odđa gildii gielddaid ovtastuvvama fápmuiboahтинjahkái máksojuvvon stáhtaossodagat ja ruoktogieldabuhtadusat daid vástideaddji stáhtaossodagaide ja ruoktogieldabuhtadusaide, mat ovtastuvvi gielddaide livčče máksojuvvon ovtastuvvama fápmuiboahтинjagi, juos gielddat eai livčče ovtastuvvan. Buhtadusa rehkenastettiin váldojuvvojit vuhtii vearroboaduide vuodđudeaddji stáhtaossodagaid dás sen sihke geavahangoluide miedihuvvon stáhtaossodat ja eará ruhtadeapmi, main ášahuvvo gieldda vuodđobálvalusaid stáhtaossodagas addojuvvon lágas, oahpahas- ja kulturdoaimma ruhtadeamis addojuvvon lágas (1705/2009) sihke friija



čuvgehusbarggus addojuvvon lágas (632/1998). Ministeriija rehkenastá buhtadusa meari máinnašuvvon lágaid mieldásaš stáhtaossodagaid miediheamis vástideaddji ministeriijaid addin dieđuid vuodul.

Juos buhtadusa oažžu eanet go okta gielda, buhtadus juhkkovuvvo gielddaid gaskkas guđege gildii sirdáseaddji ássiid meriid mielde. Guđege gieldda ossodat rehkenasto euromearis, mii gildii livčče mákson buhtadussan, juos heaittihuvvon gielda livčče lakton obban áššáigulavaš gildii. Gieldda ássiidmearrin geavahuvvo veahkadatdiehtovuogádagas ja Álbmotregistarguovddáža sihkkarastinbálvalusain addojuvvon lága 80 § 6 čuoggás dárkkuhuvvon gieldda ássiidmearri gieldajuogu nuppástusa fápmuiboahтинjagi ovdal leamaš jagi álggus.

Ministeriija máksá buhtadusaid ovtastuvvandoarjaga oktavuodas. Juos gildii ii máksojuvvo ovtastuvvandoarjja, ministeriija máksá buhtadusaid guđege jagi geassemánu loahpa rádjai.

53 § Nuppástusohcan gieldajuogu nuppástuhttima guoski stáhtaráđi dahje ministeriija mearrádussii

-----

Juos stáhtaráđdi mearrida gielddaid ovtastuvvamis 18 § 2 dahje 3 momeantta vuodul, mearrádussii oažžu ohcat nuppástusa váidalemiin gielda dahje dan lahttu, mii lea nuppástusa čuozáhahkan.

-----

#### 59 § Ovtastuvvandoarjagiid ruhtadeapmi

Juos 41 §:s dárkkuhuvvon ovtastuvvandoarjja, dahje ovdal jagi 2014 fápmui boahán gielddaid ovtastuvvama vuodul máksojuvvon ovtastuvvandoarjja máksojuvvo jagiin 2012–2015 ja 2016–2019 goappáge boktii oktiibuot eanet go 200 miljovna euro, geahpeduvvo gieldda vuodđobálvalusaid stáhtaossodagas addojuvvon lága mieldásaš stáhtaossodaga badjelmannama vástideaddji ossodagain. Stáhtaossodaga geahpádus lea buot gielddain ássi buohta seammá stuoris.

#### 60 § Sirdásannjuolggadusat

-----

Juos jagi 2014 álggus dahje dan manná fápmui boahhti gieldajuogu nuppástus guoská gieldda, masa máksojuvvo ovtastuvvandoarjja dán lága fápmui boadidettiin fámus leamašan njuolggadusaid mielde, máksinláhkai leahkki doarjaga máksin heaittihuvvo gieldajuogu nuppástusa boadidettiin fápmui ja odđa doarjja máksojuvvo dán lága mielde.

Juos gielddaid ovtastuvvan lea boahán fápmui ovdal jagi 2014, stáhtaossodagaid geahppáneami buhttemii heivehuvvojit dán lága fápmui boadidettiin fámus leamašan njuolggadusat.

-----

Dát láhka boahá fápmui beaivve mánu 20 . Ovdal lága fápmuiboahтima sáhtá álgit lága ollašuhttima eaktudan doaimmaide.

Lága 1 a lohku lea fámus jagi 2016 lohppii.